

# PWYLLGOR SAFONAU

**DYDD LLUN, 9 MEDI 2024**

**YN BRESENNOL:** M. Dodd (Cadeirydd)

**Aelodau Annibynnol (Yn y Siambr):**

D. Evans

**Aelodau Annibynnol (Yn rhithwir) :**

C. Davies

F. Phillips

**Cynghorwyr (Yn y Siambr):**

B.W. Jones

**Cynghorwyr (Yn rhithwir):**

G.B. Thomas

P.T. Warlow

**Hefyd yn bresennol (Yn y Siambr):**

Y Cynghorydd J. Tremlett (eitem 5 ar yr agenda)

**Hefyd yn bresennol (Yn y Siambr):**

R. Edgecombe, Rheolwr y Gwasanaethau Cyfreithiol

M. Runeckles, Swyddog Cymorth i'r Aelodau

J. Owens, Rheolwr y Gwasanaethau Democrataidd

**Hefyd yn bresennol (Yn rhithwir):**

D. Hall-Jones, Swyddog Cefnogi Aelodau

S. Rees, Cyfieithydd Ar Y Pryd

**Siambr, Neuadd y Sir, Caerfyrddin. SA31 1JP ac o bell - 10.00 - 11.33 yb**

**[Nodiadau:**

- Dywedodd y Cadeirydd fod y Cynghorydd Philip Rogers wedi ymddiswyddo o'i rôl fel Cynghorydd Tref yn ddiweddar ac felly, yn unol â'r rheoliadau, nad oedd yn gynrychiolydd Cynghorau Tref a Chymuned ar y Pwyllgor Safonau bellach. Dymunodd y Cadeirydd yn dda i'r Cynghorydd Rogers ar ran y Pwyllgor gan ddiolch iddo am ei gyfraniad rhagorol i waith y Pwyllgor Safonau a chytunodd i anfon llythyr o ddiolch ato.
- Yn ystod y cyfarfod dywedwyd wrth y Pwyllgor, yn unol â Rheol 2(3) o Weithdrefn y Cyngor, y byddai trefn y materion ar yr agenda yn cael ei newid er mwyn ystyried Eitem Rhif 8 ar yr Agenda yn gynharach yn y cyfarfod. Er hwylustod, byddai'r cofnodion yn adlewyrchu trefn y materion a nodwyd ar yr agenda a gyhoeddwyd].

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

## 1. YMDDIHEURIADAU AM ABSENOLDEB.

Ni chafwyd ymddiheuriadau am absenoldeb.

## 2. DATGAN BUDDIANNAU PERSONOL.

Ni chafwyd datganiadau o fuddiant personol.

## 3. I LOFNODI FEL COFNOD CYWIR COFNODION CYFARFOD Y PWYLLGOR A GYNHALIWYD AR Y :-

### 3.1. 24 MAI 2024 (heb gworwm)

**PENDERFYNWYD YN UNFRYDOL lofnodi bod cofnodion cyfarfod y Pwyllgor Safonau a gynhaliwyd ar 24 Mai 2024 yn gofnod cywir.**

### 3.2. 19 GORFFENAF 2024

Gofynnwyd am i'r cofnodion gyfeirio at y sylwadau a wnaed gan yr aelodau ynghylch bod y Pwyllgor yn ddiolchgar am gyfraniad rhagorol Mrs Linda Rees-Jones i waith y Pwyllgor Safonau yn dilyn ei hymddeoliad diweddar fel Pennaeth Gweinyddiaeth a'r Gyfraith, a bod llythyr o ddiolch yn cael ei anfon at Mrs Rees-Jones i fynegi'r teimladau hynny.

**PENDERFYNWYD YN UNFRYDOL, yn amodol ar gynnwys yr uchod, lofnodi cofnodion cyfarfod y Pwyllgor Safonau a gynhaliwyd ar 19 Gorffennaf 2024 gan eu bod yn gofnod cywir.**

## 4. ADOLYGU COFNOD O GAMAU GWEITHREDU'R PWYLLGOR SAFONAU

Cafodd y Pwyllgor adroddiad a nodai'r hyn a wnaed mewn perthynas â'r camau, ceisiadau, neu atgyfeiriadau a oedd wedi deillio o gyfarfodydd blaenorol.

Mewn perthynas â cham gweithredu DPSC-221, mynegodd y Pwyllgor y farn y dylid addasu'r hyfforddiant gloewi ynghylch y côd ymddygiad i sicrhau ei fod yn berthnasol i Gynghorwyr Sir a Chynghorwyr Tref a Chymuned a'i gynnig i bob Cynghorydd yn flynyddol drwy sesiwn o bell. Cadarnhawyd i'r aelodau y byddai'r hyfforddiant yn cael ei recordio er mwyn galluogi'r rhai nad ydynt yn bresennol i gael mynediad i'r cwrs ar-lein yn eu hamser eu hunain, ynghyd â chopïau o'r deunyddiau hyfforddiant.

**PENDERFYNWYD YN UNFRYDOL:**

### 4.1 Derbyn yr adroddiad;

### 4.2 Bod y deunyddiau hyfforddiant ynghylch y côd ymddygiad ar gyfer Cynghorwyr Sir a Chynghorwyr Tref a Chymuned yn cael eu cyfuno i greu un sesiwn hyfforddiant o bell a bod yr hyfforddiant hwnnw yn cael ei gynnig i'r holl Gynghorwyr yn flynyddol. Recordio'r hyfforddiant a sicrhau ei fod ar gael i'r rhai

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

**nad ydynt yn bresennol gael mynediad i'r cwrs ar-lein yn eu hamser eu hunain.**

## **5. CYFARFOD AG ARWEINWYR GRWPIAU GWLEIDYDDOL**

Yn dilyn cofnod 4 o gyfarfod y Pwyllgor Safonau ar 22 Ebrill 2024, croesawodd y Cadeirydd Arweinydd y Grŵp Annibynnol i'r cyfarfod.

Bu'r Pwyllgor yn ystyried yn briodol adroddiad blynyddol Arweinydd y Grŵp Annibynnol yn unol â gofynion Deddf Llywodraeth Leol ac Etholiadau (Cymru) 2021 a chafodd gyflwyniad gan y Cynghorydd Tremlett yn unol â'r canllawiau statudol a gyhoeddwyd gan Lywodraeth Cymru a oedd yn nodi y dylai Arweinwyr Grwpiau gwrdd â'r Pwyllgor Safonau cyfan ar ddechrau pob blwyddyn i drafod:

- amllder y cyfarfodydd rhwng y Pwyllgor ac Arweinwyr Grwpiau yn ystod y flwyddyn;
- cydymffurfiaeth yr Arweinwyr Grwpiau â'u dyletswyddau o dan Ddeddf 2021;
- y broses adrodd flynyddol; ac
- unrhyw faterion sy'n codi yn sgil dadansoddi cwynion mewn perthynas â safonau ymddygiad.

O ran Hyfforddiant Côt Ymddygiad, awgrymodd Arweinydd y Grŵp Annibynnol y gallai Arweinwyr Grwpiau dynnu sylw aelodau grŵp at bwysigrwydd sesiynau hyfforddiant perthnasol er mwyn hwyluso'r lefel uchaf posibl o bresennoldeb mewn digwyddiadau datblygu. Ychwanegodd Rheolwr y Gwasanaethau Cyfreithiol y byddai gwahoddiadau'n cael eu hanfon yn uniongyrchol at yr holl aelodau hefyd er mwyn sicrhau bod aelodau heb gysylltiad pleidiol yn cael eu cynnwys hefyd.

Mewn ymateb i ymholiad, cadarnhawyd bod 10 aelod o'r Grŵp Annibynnol wedi mynychu'r sesiwn Hyfforddiant Sefydlu a Datblygu ar Gydymffurfiaeth, Cydraddoldeb a Safonau a'r Côt Ymddygiad yn dilyn etholiad 2022. Ers y sesiwn hyfforddiant honno, roedd aelod ychwanegol wedi ymuno â'r Grŵp Annibynnol.

Cyfeiriwyd at yr astudiaethau achos ynghylch canlyniad ymchwiliadau i gwynion a oedd wedi'u gwneud yn erbyn aelodau etholedig ledled Cymru, pa un a oeddent yn dilyn gwrandawriadau Pwyllgor Safonau neu wrandawriadau Panel Dyfarnu Cymru. Yn hyn o beth, eglurodd Rheolwr y Gwasanaethau Cyfreithiol y byddai Arweinwyr Grwpiau yn cael dolen i Agenda'r Pwyllgor Safonau pan fyddai astudiaethau achos yn cael eu hystyried i'w dosbarthu i'w haelodau wedi hynny, yn unol â'r penderfyniad a wnaed gan y Pwyllgor yn ei gyfarfod ar 22 Ebrill 2024.

Ar gais y Pwyllgor, darparodd Arweinydd y Grŵp Annibynnol grynodedeb o'r trefniadau cydweithio ymhlith yr Arweinwyr Grwpiau ac fel rhan o drefniant y glymblaid yn y Cyngor.

**PENDERFYNWYD YN UNFRYDOL dderbyn bod yr adroddiad blynyddol a gyflwynwyd gan Arweinydd y Grŵp Annibynnol yn cydymffurfio â'i**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

## **ddyletswyddau o dan Ddeddf Llywodraeth Leol ac Etholiadau (Cymru) 2021.**

### **6. CAIS AM OLLYNGIAD GAN Y CYNGHORYDD ANGELA CAROL HUGHES**

Bu'r Pwyllgor yn ystyried cais gan y Cyngorydd Cymuned Angela Carol Hughes am ollyngiad o dan ddarpariaethau Rheoliadau Pwyllgorau Safonau (Caniatáu Gollyngiadau) (Cymru) i siarad a phleidleisio a gwneud sylwadau ysgrifenedig mewn perthynas â busnes y cyngor yng nghyfarfodydd Cyngor Cymuned Llangathen ynghylch Prosiect Peilonau Tywi Wysg - Bute Energy/Green Gen Cymru. Dywedwyd y byddai gan y Cyngorydd Hughes fuddiant personol a rhagfarnol yn y mater hwn gan ei bod yn byw ac yn ffermio ger llwybr arfaethedig y peilonau.

Rhoddwyd gwybod i'r cyfarfod bod y Cyngorydd Hughes wedi gwneud cais am ollyngiad yn rhinwedd y canlynol:

Rheoliad 2(2)(ch) – mae natur buddiant yr aelod yn gyfryw fel na fyddai cyfranogiad yr aelod yn y busnes y mae'r buddiant yn berthnasol iddo yn niweidio hyder y cyhoedd yn y modd y mae busnes yr awdurdod berthnasol yn cael ei gynnal a;

Rheoliad 2(2)(dd) – mae cyfiawnhad i'r aelod gymryd rhan yn y busnes y mae'r buddiant yn berthnasol iddo oherwydd rôl neu arbenigedd penodol yr aelod.

Dywedwyd wrth y Pwyllgor pe bai'n caniatáu cais y Cyngorydd Hughes, y byddai angen iddo benderfynu ar hyd y gollyngiad hwnnw hefyd.

Yn dilyn trafodaeth,

**PENDERFYNWYD YN UNFRYDOL roi gollyngiad o dan Reoliadau 2(2)(ch) a 2(2)(dd) o Reoliadau Pwyllgorau Safonau (Caniatáu Gollyngiadau) (Cymru) 2001 i'r Cyngorydd Angela Carol Hughes siarad a gwneud sylwadau ysgrifenedig ond NID pleidleisio ar fusnes y cyngor yng nghyfarfodydd Cyngor Cymuned Llangathen ynghylch y cynigion ar gyfer cadwyn o beilonau trydan yn y sir (Prosiect Peilonau Tywi Wysg - Bute Energy/Green Gen) a byddai'r gollyngiad yn ddilys hyd at ddiwedd y tymor etholiadol presennol.**

### **7. CAIS AM OLLYNGIAD GAN Y CYNGHORYDD WENDY HERON**

Bu'r Pwyllgor yn ystyried cais gan y Cyngorydd Cymuned Wendy Heron am ollyngiad o dan ddarpariaethau Rheoliadau Pwyllgorau Safonau (Caniatáu Gollyngiadau) (Cymru) i siarad a phleidleisio mewn perthynas â busnes y cyngor yng nghyfarfodydd Cyngor Cymuned Henllanfallteg ynghylch materion cyffredinol yn ymwneud â Chymdeithas Gymunedol a Neuadd Bentref Henllanfallteg. Dywedwyd y byddai gan y Cyngorydd Heron fuddiant personol a rhagfarnol mewn cais am grant gan Neuadd Gymunedol Henllanfallteg gan ei bod yn aelod o Bwyllgor y Neuadd.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Rhodddwyd gwybod i'r cyfarfod bod y Cynghorydd Heron wedi gwneud cais am ollyngiad yn rhinwedd y canlynol:

Rheoliad 2(2)(ch) – mae natur buddiant yr aelod yn gyfryw fel na fyddai cyfranogiad yr aelod yn y busnes y mae'r buddiant yn berthnasol iddo yn niweidio hyder y cyhoedd yn y modd y mae busnes yr awdurdod perthnasol yn cael ei gynnal;

Rheoliad 2(2)(d) - mae'r buddiant yn gyffredin i'r aelod ac i gyfran arwyddocaol o'r cyhoedd;

Rheoliad 2(2)(dd) - mae cyfiawnhad i'r aelod gymryd rhan yn y busnes y mae'r buddiant yn berthnasol iddo oherwydd rôl neu arbenigedd penodol yr aelod; a

Rheoliad 2(2)(f) - mae'r busnes sydd i'w ystyried yn berthnasol i arian neu eiddo corff gwirfoddol y mae'r aelod yn aelod o'i bwyllgor neu ei fwrdd rheoli ac nad oes gan yr aelod unrhyw fuddiant arall yn y busnes.

Dywedodd Rheolwr y Gwasanaethau Cyfreithiol na ellid ystyried y sail sy'n ymwneud â Rheoliad 2(2)(d) fel ffaith. Hefyd, atgoffwyd y Pwyllgor y byddai'r sail sy'n ymwneud â Rheoliad 2(2)(f) yn atal y Pwyllgor rhag rhoi gollyngiad i bleidleisio.

Dywedwyd wrth y Pwyllgor pe bai'n caniatáu cais y Cynghorydd Heron, y byddai angen iddo benderfynu ar hyd y gollyngiad hwnnw hefyd.

Yn dilyn trafodaeth,

**PENDERFYNWYD YN UNFRYDOL roi gollyngiad o dan Reoliadau 2(2)(ch) a 2(2)(dd) a 2(2)(f) o Reoliadau Pwyllgorau Safonau (Caniatáu Gollyngiadau) (Cymru) 2001 i'r Cynghorydd Wendy Heron siarad a gwneud sylwadau ysgrifenedig ond NID pleidleisio ar fusnes y cyngor yng nghyfarfodydd Cyngor Cymuned Henllanfallteg ynghylch materion yn ymwneud â Chymdeithas Gymunedol a Neuadd Bentref Henllanfallteg a byddai'r gollyngiad yn ddilys hyd at ddiwedd y tymor etholiadol .**

## **8. CAIS AM OLLYNGIAD GAN Y CYNGHORYDD SARAH JANE THOMAS**

Bu'r Pwyllgor yn ystyried cais gan y Cynghorydd Cymuned Sarah Jayne Thomas am ollyngiad o dan ddarpariaethau Rheoliadau Pwyllgorau Safonau (Caniatáu Gollyngiadau) (Cymru) i siarad a phleidleisio a gwneud sylwadau ysgrifenedig mewn perthynas â busnes y cyngor yng nghyfarfodydd Cyngor Cymuned Llanfynydd ynghylch Prosiect Peilonau Tywi-Wysg - Bute Energy/Green Gen Cymru. Dywedwyd y byddai gan y Cynghorydd Thomas fuddiant personol a rhagfarnol yn y busnes hwn gan ei bod yn berchen ar dir y bwriedir gosod y peilonau arno.

Dywedodd Rheolwr y Gwasanaethau Cyfreithiol, er bod y Cynghorydd Thomas wedi gwneud cais am y gollyngiad yn rhinwedd Rheoliad 2(2)(d) (mae'r buddiant

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

yn gyffredin i'r aelod ac i gyfran arwyddocaol o'r cyhoedd), ystyriwyd y byddai'r seiliau canlynol yn fwy priodol:

Rheoliad 2(2)(ch) – mae natur buddiant yr aelod yn gyfryw fel na fyddai cyfranogiad yr aelod yn y busnes y mae'r buddiant yn berthnasol iddo yn niweidio hyder y cyhoedd yn y modd y mae busnes yr awdurdod perthnasol yn cael ei gynnal a;

Rheoliad 2(2)(dd) - mae cyfiawnhad i'r aelod gymryd rhan yn y busnes y mae'r buddiant yn berthnasol iddo oherwydd rôl neu arbenigedd penodol yr aelod.

Dywedwyd wrth y Pwyllgor pe bai'n caniatáu cais y Cynghorydd Thomas, y byddai angen iddo benderfynu ar hyd y gollyngiad hwnnw hefyd.

Yn dilyn trafodaeth,

**PENDERFYNWYD YN UNFRYDOL roi gollyngiad o dan Reoliadau 2(2)(d) a 2(2)(f) o Reoliadau Pwyllgorau Safonau (Caniatáu Gollyngiadau) (Cymru) 2001 i'r Cynghorydd Sarah Jayne Thomas siarad a gwneud sylwadau ysgrifenedig ond NID pleidleisio ar fusnes y cyngor yng nghyfarfodydd Cyngor Cymuned Llanfynydd ynghylch y cynigion ar gyfer cadwyn o beilonau trydan yn y sir (Prosiect Peilonau Tywi Wysg - Bute Energy/Green Gen) a byddai'r gollyngiad yn ddilys hyd at ddiwedd y tymor etholiadol presennol.**

## **9. HYFFORDDIANT YNGHYLCH Y CÔD YMDDYGIAD AR GYFER CYNGHORWYR TREF A CHYMUNED - 2024**

Bu'r Pwyllgor yn ystyried adroddiad am y sesiwn hyfforddiant ynghylch y côd ymddygiad a gynhaliwyd i gynghorwyr Tref a Chymuned ar 28 Mehefin 2024. Yn unol â phenderfyniadau blaenorol y pwyllgor, dim ond 1 sesiwn a gynhaliwyd, a hynny o bell trwy Zoom, a'i chyflwyno gan swyddogion yn yr adran Gyfreithiol.

Nododd cyfanswm o 53 o bobl fwriad i fod yn bresennol yn y sesiwn a gellid nodi bod 34 ohonynt wedi gwneud hynny. Nodwyd bod y sesiwn wedi'i recordio, a bod y ddolen wedi cael ei darparu i bob cyngor ynghyd â chopïau o'r deunyddiau hyfforddiant a oedd yn galluogi cynghorwyr nad oeddent yn gallu bod yn bresennol yn y sesiwn i'w gwyllo yn eu hamser eu hunain.

Diolchodd y Pwyllgor i Bennaeth y Gwasanaethau Cyfreithiol a'i gydweithwyr am ddarparu cwrs hyfforddiant proffesiynol, diddorol a llawn gwybodaeth.

**PENDERFYNWYD YN UNFRYDOL nodi'r adroddiad.**

## **10. DATA CÔD YMDDYGIAD 2023-2024**

Cafodd y Pwyllgor adroddiad ynghylch yr ymarfer blynyddol a gynhaliwyd rhwng Mai a Gorffennaf 2024 i gasglu data cydymffurfio â'r côd gan Gynghorau Tref a Chymuned.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Dywedwyd wrth y Pwyllgor fod cyfanswm o 66 o ymatebion wedi dod i law gan y 72 cyngor y gofynnwyd iddynt ddarparu data. Hefyd, dywedwyd bod nifer fach o gynghorau wedi cael trafferth gyda meddalwedd yr arolwg ond nid oedd yn ymddangos bod hyn yn broblem i'r mwyafrif.

Adolygodd y Pwyllgor y dadansoddiad manwl o'r ymatebion i'r arolwg, ynghyd â data perthnasol arall ynghylch y côd ymddygiad ar gyfer y cyfnod adrodd mewn perthynas â chwynion, ceisiadau am ollyngiad, datganiadau o fuddiant, cynlluniau hyfforddiant a hyfforddiant ynghylch y Côd Ymddygiad. Yn hyn o beth, dywedwyd er bod nifer y cwynion wedi cynyddu, nad oedd yr un wedi arwain at gymryd camau ffurfiol yn erbyn y Cynghorwyr dan sylw.

At ei gilydd, awgrymodd y data sydd ar gael fod gan gynghorwyr Tref a Chymuned yn y Sir ymwybyddiaeth dda o'r côd ymddygiad ac yn gyffredinol yn cydymffurfio â'r darpariaethau ynddo.

Cadarnhaodd aelodau'r pwyllgor i Reolwr y Gwasanaethau Cyfreithiol eu bod yn fodlon ar y modd yr oedd y wybodaeth yn yr adroddiad wedi cael ei chyflwyno gan ei bod yn glir ac yn gynhwysfawr.

**PENDERFYNWYD YN UNFRYDOL nodi'r Data Côd Ymddygiad a gasglwyd mewn perthynas â Chynghorau Tref a Chymuned.**

## **11. ADOLYGIAD O'R POLISI DATGELU CAMARFER**

Yn unol â gofynion Deddf Datgelu er Lles y Cyhoedd 1988, adolygodd y Pwyllgor Bolisi Datgelu Camarfer y Cyngor a oedd yn ceisio codi ymwybyddiaeth a hwyluso datgeliadau gwarchoddedig. Rhoddwyd gwybod i'r Pwyllgor nad oedd unrhyw newidiadau sylweddol yn angenrheidiol gan na fu unrhyw ddatblygiadau mewn deddfwriaeth, cyfraith achosion na chanllawiau a oedd yn golygu bod angen unrhyw ddiwygiad, ond gofynnwyd am awdurdod i swyddogion ddiweddarau enwau a manylion cyswllt unigolion yn ôl yr angen.

Nodwyd, yn ystod y cyfnod rhwng 1 Ebrill 2023 a 31 Mawrth 2024, bod cyfanswm o 2 gŵyn datgelu camarfer wedi dod i law a'u bod yn dal i fod yn destun ymchwiliad. Yn hyn o beth, eglurodd Rheolwr y Gwasanaethau Cyfreithiol y byddai'r amserlenni ar gyfer ymchwilio i faterion yn amrywio yn ôl natur a chymhlethdod y pryderon a godwyd.

**PENDERFYNWYD YN UNFRYDOL**

**11.1 Cymeradwyo Polisi Datgelu Camarfer y Cyngor;**

**11.2 Rhoi awdurdod dirprwyedig i swyddogion ddiweddarau enwau a manylion cyswllt unigolion yn y polisi yn ôl yr angen.**

## **12. ADOLYGIAD O WEITHDREFNAU GWRANDAWIADAU DISGYBLU**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

Adolygodd y Pwyllgor ei weithdrefn ffurfiol ar gyfer cynnal achos disgyblu yn erbyn cynghorwyr pe bai adroddiad yn cael ei dderbyn gan Ombwdsmon Gwasanaethau Cyhoeddus Cymru yn unol â Rhan III o Ddeddf Llywodraeth Leol 2000.

Mabwysiadwyd y weithdrefn i ddechrau ym mis Mehefin 2022 a gwnaed diwygiadau gan y Pwyllgor ym mis Rhagfyr 2023 [gweler cofnod 5] i adlewyrchu'r profiad a gafwyd wrth gynnal dau wrandawriad yn 2023. Rhoddwyd gwybod i'r Pwyllgor nad oedd angen unrhyw newidiadau pellach ar hyn o bryd.

Eglurodd Rheolwr y Gwasanaethau Cyfreithiol, mewn ymateb i ymholiad, fod y Cyngor wedi defnyddio'r wybodaeth gyswilt a ddarparwyd gan Ombwdsmon Gwasanaethau Cyhoeddus Cymru i hysbysu a chysylltu â Chynghorwyr a mynychwyr perthnasol mewn perthynas â gwrandawiadau disgyblu. Cadarnhawyd ymhellach yr eid ar drywydd y mater o bryd i'w gilydd mewn achosion lle nad oedd yr ohebiaeth wedi'i chydabod.

**PENDERFYNWYD YN UNFRYDOL fabwysiadu'r weithdrefn ffurfiol ar gyfer gwrandawiadau achos disgyblu ynghylch y Côd Ymddygiad yn erbyn cynghorwyr pe bai adroddiad yn cael ei dderbyn gan Ombwdsmon Gwasanaethau Cyhoeddus Cymru, yn unol â Rhan III o Ddeddf Llywodraeth Leol 2000.**

### **13. PENDERFYNIADAU DIWEDDAR Y PANEL DYFARNU A'R OMBWDSMON**

Bu'r Pwyllgor yn ystyried adroddiad a oedd yn nodi canfyddiadau Panel Dyfarnu Cymru ac Ombwdsmon Gwasanaethau Cyhoeddus Cymru mewn perthynas â chwynion a gyhoeddwyd o ran y côd ymddygiad. Roedd y wybodaeth yn rhoi pwyntiau dysgu i'r Pwyllgor wrth roi'r côd ar waith a darparu hyfforddiant i gynghorwyr.

**PENDERFYNWYD YN UNFRYDOL dderbyn yr adroddiad.**

### **14. FFORWM PWYLLGORAU SAFONAU CYMRU GYFAN**

Cafodd y Pwyllgor gopi o gofnodion cyfarfod Fforwm Pwyllgorau Safonau Cymru gyfan ar 29 Ionawr 2024. Roedd y Fforwm yn gyfle i Gadeiryddion Pwyllgorau Safonau rannu arferion gorau a thrafod materion sy'n peri pryder iddynt.

**PENDERFYNWYD YN UNFRYDOL dderbyn cofnodion Fforwm Pwyllgorau Safonau Cymru Gyfan a gynhaliwyd ar 29 Ionawr 2024.**

### **15. UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG, BENDERFYNU EI YSTYRIED YN FATER BRYN YN UNOL AG ADRAN 100B(4)(B) DEDDF LLYWODRAETH LEOL 1972**

Nid oedd dim materion brys i'w trafod.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf



---

**CADEIRYDD**

---

**DYDDIAD**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf